

爾

雅

校

議

爾雅校議

爾雅疏汲古閣本凡四冊得於敝甸書攤上竇應劉又徐州倖下校本中釋鳥一篇爲汪銳齋儀部校本又徐諱玉磨號春圃端臨先生族子乾隆丁酉拔貢官廣西州判峒苗變殲于軍所著璧齋遺稿刻人入

皇清經解爾雅古注未見刻本其大旨具此本日記中所加案語雖非盡確當亦有邵郝二家未及者可寶也同治戊辰十二月携示記

銳齋諱德鉞字宗義懷甯人嘉慶丙辰進士著有周易義例雜卦反對互問七經餘記銳齋偶筆臧西成爲之作行狀亦學人也

乾隆庚戌五月范生承英自富川寄來爾雅注疏乞爲  
隲校余曩集孫李舊注之暇并搜輯宏農逸注有所考  
證輒援筆錄於監本上方積歲已三易本矣近邵編修  
正義出與余頗多符合處今擇其所未及者爲生  
書之生仍當取邵氏正義反覆潛玩以擴見聞則獲益  
良多矣卷內惟釋鳥未校緣汪君已施丹鉛無從置筆  
也竇應劉玉麈記

七月十五日

爾雅校議卷上

釋詁第一

肇祖元胎 肇說文作屮戶始開也

郭注胚胎不成 說文胚胎婦孕一月从肉不聲今从丕誤

邢疏權輿者天地之始也 汪銳云作量自權始以準量由此而生造車自輿始以蓋軫由此而起揚子權輿天地段借之語耳以權輿爲天地之始謬矣邢疏揚雄說方言云皆古今語也初別國不相往來之言也今或同而舊書雅記故俗語不失其方而後人不知故爲之作釋也 戴東原云此自明作書之

意謂舊書常記故俗之語不失其方而後人不知故作方言以釋之

皇王 說文皇大也从白自始也

介純 玉案方言介作奔音介說文作介徐諧曰大人也

奕洪 說文力部奔字註云大也从大亦聲力攴文大也今作奔从升非

簡蒟 汪銳齋改从蒟云蒟字據說文及釋文玉篇廣韻

邢疏田子貴均 玉案田子卽田駢也呂覽曰陳駢貴齊陳田古通

有也 有本或作厚見詩節南山長發孔疏

郭注宋曰屈 孫炎曰艘古屈字郭注宋曰屈釋艘字也今乃音宗非是

賁賜也 玉案古今人表子貢之貢作贛贛訓賜故子贛名賜

省善也注省未詳其義 汪銳齋云詩帝省其山鄭氏箋善也禮記有大事省於其君鄭注亦云善也

順叙也 月令順彼遠方呂覽作巡彼遠方巡與循同儀禮注古文循作順淮南子注循順也

愷樂也 玉案釋言愷悌發也孫李皆訓愷爲明服虔曰哀生於晦樂生於明此其義也

懌服也 玉案方言悛懌改也廣雅悛懌改更也訓懌  
爲改與服從之義亦協

從自也 玉案昭公五年左氏傳云羣臣懼死不敢自  
也注自從也

邢疏通聿音義同 孫炎曰通古述字讀聿

與夔常也 詩瞻卬疏夷常釋詁文夷作夔音義同

郭注方言荆吳淮泗之間劉改作淮汭又燕岱東亭  
劉改作燕代云据方言改

爰於也 玉案詩奚其適歸左傳引作爰是爰與奚通  
皆歎詞也 鄭樵註云六者語類之絕於卽於乎難  
聲也

妃嬪也 詩釋文云嬪郭音譬

係繼也 袁紹傳云絕臣軍糧不得踵係此以係爲繼

訊詰告也 玉案後漢書張衡傳注引爾雅詰告也陸

氏音義亦作諄今據改 疏中訊字亦改作諄

劉陳也注劉未詳 逸周書序文王惟庶邦之多難論

典以匡謬作劉法蓋陳述法則之義

公事也○江漢詩肇敏戎公傳曰公事也

兼融長也注融兼所未詳 玉案郭林宗碑文稟命不

融享年四十有二是以融爲長也

采孫案馬融字季長亦此義

劉櫛斬刺殺也 案說文戎殺也商書既戎黎徐鍇曰

爾雅堪殺也豈今本誤脫一堪字耶



台朕賚畀卜陽予也 鄭樵曰予本予我之予又爲賜

予之予疑此當言台朕陽予也謂我也賚畀卜予謂

與也以二字同文故誤耳

宋孫案鄭說非是爾雅自有此例如從申神加

彌崇重也郭注云神未詳錢竹汀少詹云重有重疊之義又有尊重之義從申加重疊之重也神彌崇尊重之重也此賚畀卜爲賜予之予台朕陽爲予我之予其例相同

亮介尙右也 玉案春秋繁露曰春秋之於世事也善

復古譏易常欲其法先王也然而介以一言曰王者

必改制此介字義爲佑助也

關關嚶嚶音聲利也 潘岳笙賦李善注引爾雅曰關

關嚶嚶音和也與此異

殷盡也 玉案既夕禮曰明衣裳長及殷鄭注殷足跗

也足跗爲人之體盡處故得訓爲盡

棲聚也 玉案棲當从手作棲釋文云本或作棲非案  
說文棲曳聚也

惛懼也 詩時邁疏云疊懼釋詁文彼疊作惛音義同  
痛瘡節 詩祗自疚兮石經作疚从氏 案瘡與瘡同  
書畢命曰彰善癉惡禮緇衣作章善癉惡山海經翼  
望之山有獸焉食之已瘡說文勞病也

郭注相戮辱 戮字演文

耒強事勤也 案一切經音義引舍人云耒強事也疑  
強事二字本舍人注傳寫者誤作正文

惟思也 詩生民篇載謀載惟从心訓思

禋祭也 周禮鄭注禋之言煙周人尙臭煙氣之臭聞者周語曰精氣以享謂之禋

欽敬也 漢志曰內曰恭外曰欽書釋文引馬融曰威儀表備謂之欽

汽也 玉案詩傳曰汽危也箋曰幾也古文作𩇛見汗簡碧落文

治肆古故也 玉案孟子始條理也孫奭音義曰本亦作治又益稷在治忽史記漢書并引治作始是治始二字古本通用或以爲二字相溷誤矣

竺厚也 案竺與篤同古文工卽馬字也此从二非

涖視也 周禮鄉師及甸執斧以涖匠師鄭注涖謂臨

覲也

虛無之言間也 晉語使奄楚以環釋言吳語使奚斯  
釋言干齊皆謂釋其間隙故言得爲間

底止也 釋文及宋本並作底玉篇底丁禮切止也底  
之視切至也至與止義亦相通

郭注按抑按也 注按也二字演据宋本刪

豫射厭也 戴東原曰豫當訓厭足飽飲之厭射訓厭  
倦厭憎之厭

楷音谷 玉案緇衣引詩有覺德行作有楷德行注  
云楷音角直也是楷當作角音今音谷非也

平均夷弟易也 玉案周禮雍氏注云書雍或爲夷故

司農以芟夷訓薙說文載古文雉字作𪔐故康成讀  
薙如髴卽一薙字或爲夷或从弟者古人以夷弟二  
字聲相近義亦可通故得兩用之此之并釋爲易義  
亦如是

酬酢 酢當作醋

郭注草木叢茸 繫傳引注茸作攢

郭注天命棐忱 忱釋文作謹

已此也 戴東原曰已之訓此如莊子已而爲之者已  
而不知其然是也

郭注音免置之置 宋本無之置二字

郭注貫伏也 玉案桓十三年左氏疏引此注貫伏

也

塵久也 玉案瞻卽詩孔填不寧傳曰填久疏曰釋詁云塵久也古書填與塵同故以爲久

竭也 竭釋文作渴音竭石經作竭

刷清也 說文飾刷也讀若式徐鍇曰案爾雅刷卽飾也據此當作刷又本作位

廠熙興也 學記疏引爾雅云歆喜興也釋文引郭氏音云廠音歆

衛嘉也 廣韻衛加也釋地加陵淮南子作嘉陵是加與嘉通

覆審也 玉案說文西覆也繫傳西者反覆之也覆字

从面義爲反覆故訓審

契絕也 玉案周禮華氏掌共燠契以待卜事杜子春云契卽契龜之鑿說文契刻也釋文契絕也刻斷故爲絕

郭注規謂相視也 文選古詩十九首注李康運命論註并引爾雅脈相視也郭璞云脈脈相視貌也

神治也 墨子曰治於神者眾人不知其功是神爲治所从出故神亦得訓爲治

邢疏茆廩豐草茆弗音義同 按茆廩豐草傳曰茆治也疏云釋詁文

艾養也 玉案外戚傳云太白司艾應劭曰艾安也與

養義亦相通

郭注沃洋 釋文沃當作沃

接捷也 玉案荀子曰先事慮事謂之接接則事優成  
注云接讀爲捷速也

馘齊獲也 玉案說文繫傳齊注引爾雅云馘齊獲也  
是爾雅馘本从耳又玉篇耳部有馘字云說文云戰  
而斷耳也書馘本从耳故皇矣泮水詩訓馘字注並  
有取左耳之說

允任王佞也 玉案春秋殺其年夫左傳作佞夫國語  
與人誦曰佞人見佞果喪其田田與佞協故佞與年  
通年古音又讀爲王田讀爲陳陳與王協故佞又爲



王佞字本从王讀故書傳訓孔王爲甚佞

篡取也 郭注篡者奪取也 後漢書注引郭璞爾雅

注曰掠奪取也是篡本作掠

郭注晉衛之間曰檠陳鄭之間曰烈玉案方言云陳鄭之間曰枿晉衛之間曰烈與此注互異

迓迎也 迓釋文作訝

賡揚續也 益稷篇颺言史記作揚言皋陶揚言上承帝命故義得爲續孔傳謂大言而疾曰颺非對君之體也賡說文以爲古續字

耐旒祖也 說文繫傳引郭璞曰旒毀也耐新廟毀舊廟也

安坐也 古文坐爲危坐安爲安坐當以安爲一句  
猷已也 玉案微子之命多士多方皆曰猷康誥梓材  
浴誥皆曰已大誥首節曰猷次節曰已是猷與已同  
也又猷與猶通春秋僖三十一年免牲猶三望公羊  
曰猶者通可以已也穀梁曰猶者可以已之辭也文  
六年猶朝于廟公羊傳文與前同宣三年猶繹穀梁  
傳文與前同此猷卽爲已之證

無祿 玉案喪大記曰君裏棺用朱緣大夫用玄緣士  
不緣今日無祿卽不祿不祿蓋卽不緣爲諱之謙詞

釋言第二

釋言第二 說文繫傳云爾雅釋言注曰直言也

殷中也 周禮掌客殷膳太牢殷訓爲中

宣徇徧也 墨子公孟篇思慮徇通徇義爲徧

駟遽傳也 周禮太僕遽令注遽令郵驛上下程品釋  
名云傳傳也人所止息去後復來轉轉相傳無常人  
也

告謁請也 曲禮問士之子長曰能典謁矣

通述也 通古述字

庶幾尙也 邢疏以心所念 以心所念云云出孔疏  
幼鞠穉也 詩昔育恐育鞠疏云育得兩訓故釋爲穉  
釋詁爲長是鞠字本亦作育

逸魯過也 魯與愆同

疑休戾也 士昏禮云婦疑立於席西鄭注云疑正立  
自定之貌鄉飲酒禮云賓升西階上疑立注疑讀爲  
佇然从干趙盾之佇佇音魚乞反

憾福急也 江漢詩匪疾匪棘傳棘急疏曰棘急釋言  
文彼棘作憾音義同

貿賈市也 郭注詩曰抱布貿絰 玉案據一切經音  
義補交易物爲貿句於詩曰上

匪陋隱也 楚詞隱思君兮匪側鄭注儀禮云匪隱也  
詩尚不愧于屋漏鄭箋陋隱也疏以爲釋言文是陋  
本亦作漏

圯敗覆也 說文覆𦵏也𦵏覆也徐鍇云漢書武帝詔

曰跡弛之士要駕之馬亦在御之而已要方勇反  
荐原再也 晉語曰薦飢易曰原筮皆謂再也

郭注齊人謂瘠爲豚 玉案玉篇注齊人謂瘠腹爲  
豚今邢疏及鄭樵注瘠下并多一瘦字疑瘦本爲腹  
傳寫誤作瘦後人不知爲腹字之譌又誤刪瘦字也  
枕頰充也 玉案淮南原道訓橫四維而含隱陽高誘  
注橫讀枕車之枕樂記鏗以立橫鄭注橫充也故枕  
亦爲充枕孫本作光書傳光充也文選西征賦注橫  
橋橫音光明堂位注橫距橫音光橫有光音故後人  
用同音作正文又誤加偏傍遂失本字之義矣  
靡罔無也 少儀衣服在躬不知其名爲罔注罔猶罔

罔無知貌

劑翦齊也 玉案儀禮既夕云馬不齊髦注齊翦也集韻齊子淺切音翦

郭注今呼賃飯爲饋饋熟爲飴 劉改飯爲飴饋熟爲饋均熟云据洞酌詩疏增改

作造爲也 周禮膳夫卒食以樂徹于造注造作疏云造食之處造與作同故義得訓爲

鞠究窮也 史記酷吏傳訊鞠論報言訊獄窮盡也鞠與鞠同

干流求也 文選鄒陽上書注爾雅奸求也奸與干同也

爾雅補註卷一  
三  
啜茹也啜音銳 後漢書窮棲茹菽

茹虞度也 玉案少儀曰軍旅思險隱情以虞注虞度也至茹之訓度如獾狍匪茹及來咨來茹是也若不可以茹義當爲受蓋監之受照物來斯順受之我心匪鑒不可以順受故往而愬之耳大雅柔則茹之罔則吐之吐對茹爲言不可以茹卽吐弃之義不可以訓度也

髦士官也 玉案髦音毛中之長豪曰髦士之俊庶借譬爲名

割裂也 釋文舍人本蓋作害古文害與割通如堯典洪水方割是也緇衣注割之言蓋顏師古漢書注

蓋音公益反讀如割蓋割同音故并訓爲裂

誣諉累也 玉案列子力命篇誣諉煩重貌累依煩重爲訓其義較顯

床蔭也 戴東原曰周南不可休思釋言床蔭也卽其義

隱占也 郭注隱度 玉案禮少儀曰隱情以虞虞猶度也史記平準書引郭注占自隱度也

憎曾也 說文晉曾也詩曰晉不畏明今詩作憎又民勞疏云慘曾釋言文詩釋文云慘本亦作憎憎與曾慘音義並同

夢隱也 詩靜女曰愛而不見韓詩曰愛隱也方言注



引此詩作夢

祺祥也 周頌維清毛傳曰禎祥也疏以爲釋言文引  
舍人曰禎福之祥也某氏曰詩曰維周之禎據此祺  
當作禎

琛寶也 木華海賦天琛水怪天琛自然之寶

茅明也 玉案茅與蒙通故訓爲明昧之明見左疏引  
舍人注今郭注引前茅慮無誤矣

偶舉也 玉案聘禮大夫西面賓稱面鄭注稱舉也稱  
與偶同

迨及也 方言迨邈及也東方曰迨關之東西曰邈或  
曰及

傭均也 荀子非相篇進此而不傭說文傭均直也

肆力也 玉案疑力當訓強士爲力之力

郭注毛釐所以爲鬪 韓奕疏引郭璞曰釐音鯉

粳糧也 詩大雅以峙其粳書費誓峙乃粳糧

舫附也 玉案漢廣疏云方泝釋言文舫當作方

洵均也洵龕也 玉案魯語無洵涕注謂洵涕無聲而

出涕也無聲出涕有含忍之義釋文云龕或作含故

訓爲龕

逮逌也 莊子鏑矢復沓注矢去復注沓沓與逌同

葵揆也 路史皇人之言曰立權以聚財葵財以施智

眡重也 玉案左傳憾而能眡者鮮矣疏曰釋言眡重

也說文眡目有所恨而止也徐鍇曰爾雅眡重也目厚意也支允反

土田也 玉案一切經音義引爾雅曰田土也此云土田也注疏別二名似今本脫去田土也一名

振古也 詩振古爲斯鄭注以爲古古如此

縞介也 鄭樵注本引說文縞謂以絲介履

寤寤也 玉案文選班孟堅幽通賦云上聖寤而弗拔

曹大家以寤爲迂鄭康成注禮噫沸寤之聲寤亦迂也集韻迂亦作寤釋文選又作迂說文遁又作害荀子迂又爲午釋名寤又訓忤然則寤並與違忤同訓若引以証莊公寤生之寤與趙汭難產之說最合

焚騅也 玉案詩中各有權釋文爾雅云騅也 云騅

音佳又大車疏引鄭答張逸曰騅鳥青非草夕 亦

青故其青者如騅然則經註騅字並當从鳥作

顛頂也 玉篇曰山頂曰顛楚詞悲回風處嵎蜺之

顛

倭淺也 詩秦風倭駟孔羣註駟馬皆以淺薄之金爲

甲欲馬易旋習也

訛化也 書平秩南訛注訛化也

跋躡也 寔給也 左氏宣十五年傳杜回躡而顛說

文引詩載躡其尾寔卽躡也當作躡

烝塵也 玉案常棣詩毛傳烝填也東山詩毛傳烝寔

也鄭箋古聲填塵寘同疏云烝寘釋言文彼作塵夫  
寘填之爲塵猶田之爲陳耳郭注及叔然之訓並非  
孺屬也 曲禮大夫妻曰孺人大夫之妻曰孺言屬于  
夫不敢自專也

窈問也 郭注窈窕問隙 案郭氏注方言云窈言閑  
都此亦當與同訓

淪率也 詩淪胥以鋪箋言牽率相引而偏得罪蓋本  
此爲訓

郵過也 案詩不知其郵漢書以顯朕郵皆過失之義  
列子魯之君子迷之郵者又爲過甚之義文選劉琨  
詩春同尤良用乏驥驟李善引左傳杜註郵無恤王

良尤與郵古字通郭氏以爲郵傳之郵恐非此說見  
顧甯人日知錄

郭注謂潰散 說文繫傳引此註云潰散也

閤臺也 釋宮閤謂之臺

攸所也 詩大雅爲韓姑相攸注擇可嫁之所也

聘問也 玉案周禮占夢云季冬聘王夢鄭註聘問也  
殛誅也 案說文殛殊也顏師古曰殊絕也言身當離  
絕今本作誅義與殊同疏謂誅責誤矣

蹇仆也郭註頓躓倒仆 說文引詩載躓其尾今作蹇  
蹇與躓同故郭氏以爲頓躓

亞次也 左氏襄十九年傳云圭嬀之班亞宋子而相

親也

握具也 玉案權輿鄭箋云屋具也疏以爲釋言文今

本作握釋文云李本作幄釋名幄屋也以帛衣板施

之形如屋也屋與幄通當依李本作幄

采孫案此不必依李本作

幄幄與屋通易一握爲笑釋文又作屋握又與幄通

周禮巾車職曰翟車貝面組總有握註有握則無蓋矣如今輶車是也是握亦可作幄矣

闕恨也 戴東原曰釋言闕恨也郭氏曰相怨恨鄭康

成註小雅兄弟闕于牆闕很也註曲禮很無求勝很

闕也二字轉註義出爾雅也

遇偶也 詩東門之池傳曰晤遇也箋曰晤猶對也疏

引釋言云遇偶也然則傳以晤爲遇亦有對偶之義

是也

惶暇也 書無逸曰不遑暇食孔穎達曰遑亦暇也楊子法言惶乎不惶注言忠孝之人不暇問僊人無益之事也

楷柱也 案說文楷柱二字並从木

將資也 鄭樵註鵲巢云百兩將之將資裝也

追逃也 案緇衣釋文云不可以蹈本又作追

閒覘也 郭注左傳謂之諜今之細作也 玉案左傳

註曰諜曰遊偵亦謂之間諜間與偵義同今覘或偵字之譌古今韻會引此註云左傳謂之諜今謂之細作亦曰遊偵今本蓋脫去末句



跣足也 玉案土昏禮曰皆有枕北止鄭註止足也釋  
名云跣止也說文跣亦作止古今韻會引郭註云腳  
脛曲戾相交所以謂雕題交趾此註不知所據何本  
郭註土塊也外傳曰枕圯以塤 劉改塊作圯改圯  
作王并云據邢疏改正

啟跪也 郭註小跽 滑稽傳髡綖鞬脰徐廣曰脰  
與跽同謂小跪也

典經也 學記兌命曰念終始典於學註典經也  
苛姸也 戴東原曰鄭康成註內則疾痛苛癢苛疥也  
是姸本作疥鄭君所見本與郭异

徂復也 郭注徂伏復爲 表記狎侮死焉而不畏也

註快于無敬心也疏言數無恭敬之心、心數訓快義尤顯然伏當作快

濟成也 祭統曰夫義者所以濟志也註濟成也

皇華也 玉案釋文先華後皇石經亦作華皇也今據改玉藻君朱綠大夫玄華註外以玄內以華華黃色也皇與黃通故云華皇也

### 釋訓第三

穆穆肅肅敬也郭註皆儀容謹敬 楊倞荀子註引爾雅云穆穆敬也皇皇正也郭璞云皇皇自修正貌穆穆容儀謹敬也案穆穆註本此皇皇註竟不知何所據也

諸諸便便辨也 便又與辨通如書平章史記作便章  
今文尙是作辨章

兢兢惓惓戒也 漢書禮樂志繩繩意變備得其所臣  
讚曰爾雅繩繩戒也今作惓音義同

晏晏溫溫柔也 玉案晏與安通春秋齊景公安孺子

古今人表作晏孺子是也

朱孫案尙書古文欽明文思安安今文作晏晏

怏怏惕惕愛也郭註怏怏亦作怏怏 玉案漢書叙傳

娒娒公子迺女烏孫孟康曰娒音匙娒娒惕惕愛也

蓋本雅訓類篇云或作𡗗𡗗又本作𡗗𡗗从氏與从

氏者不同𡗗音帝玉篇曰𡗗也𡗗音飴集韻曰和適  
也李巡註亦曰𡗗𡗗和適之愛也當作𡗗

媿媿安也 詩葛屨疏引爾雅媿作提毛傳提媿安諦也

存存萌萌在也 玉案莊子應帝王篇鄉吾示之以地乎萌乎不震不正註曰萌然不動至人無感之時也萌然不動有存在之義單祠與重文同

綽綽爰爰緩也 皆寬緩也悠悠偈偈丕丕簡簡存存懋懋庸庸綽綽盡重語以上二十三字據宋本補正悄悄慘慘愠也 戴東原聲韻考云詩月出篇勞心慘

兮與照燎紹爲韻而釋文七感反正月憂心慘慘與召樂炤虐爲韻抑篇我心慘慘與昭樂藐教虐老耄爲韻及北山篇或慘慘畏咎或慘慘劬勞釋文反音竝

同不知皆燥字之訛也燥采老切愁不安也白華篇  
念子燥燥此一處幸而未譌釋文亦加以七感反之  
音是直不辨慘燥二字矣玉案慘音參去聲痛也又  
毒史記酷吏傳雖慘酷斯稱其位矣燥音草說文云  
愁不安也此慘字亦當作燥

郝郝耕也

詩釋文澤澤音釋釋爾雅作郝郝

絲絲穠也

載芟詩引絲絲庶也郭云芸不息也

穰穰福也

傳毅郊祀頌云降霽福之穰穰

子子孫孫引無極也

詩日子子孫勿替引之

顒顒印印

唐釋元應一切經音義云喁古文顒同說

文眾口上見也謂羣生仰其德也詩曰顒顒昂昂此

說釋詩最精

郭註梧相桐茂節 說文繫傳引此註茂下有實字

未有也字

佻佻 魏都賦劉淵林註引爾雅嬈嬈註云佻或作嬈  
音葦若一音徒了反

皐皐瑁瑁 釋文云皐樊本作浩玉案定四年經公及  
諸侯盟于浩油公羊釋文云二傳本作皐颺古讀皐  
爲浩颺爲由又鹽鐵論作誥颺是誥浩皐三字相通  
故皐樊本作浩也 玉案釋文瑁下別出鞞字蓋註  
引鞞鞞佩璲今脫去

翕翕註賢者陵替姦黨熾 說文繫傳引註熾下有盛

字

速速

釋文引郭云速迫也本亦作求

粵峯註謂牽挽

挽釋文作拖云本或作挖同泰何達

可二切

菱護忘也

釋文云詩云焉得菱草毛傳云菱草令人

善忘

既微且燠

微字書作癪三倉云足創

美士爲彥註人所彥詠

說文繫傳彥字引作咭

其虛其徐

詩北風其虛其邪箋云邪讀如徐疏云爾

雅作其徐字雖异音實同

猗嗟名兮

玉篇顙莫丁切詩猗嗟顙兮顙眉目間也

馮河徒涉也 說文溯無舟渡河也徐鍇引詩日不敢

溯河今借馮字

簾條口柔也 案晉語云戚施權縛簾條蒙球蓋亦因其不能俯仰而用之

幬謂之帳 案說文云幬禪帳也繫傳引爾雅註云江東呼單帳也

俯張誑也 晉書張華傳曰幬張跋扈南齊語曰莫幬張付桓康俯與幬譁並通

不辰不時也 齊風不能辰夜傳辰時也

凡曲者謂留 魚麗疏引郭註凡以薄取魚者名爲留也古今韻會引郭註云以薄爲魚笱其功易成



鬼之爲言歸也 列子天瑞篇精神離形各歸其真故  
謂之鬼

釋親第四

釋親第四 困學紀聞云白虎通引親屬記卽爾雅釋  
親也

玄孫之子爲來孫節 諸侯王表云玄孫之子耳孫註  
云耳音仍漢惠帝紀註晉灼云耳孫玄孫之曾孫也  
師古曰爾雅仍孫從己而數是爲八葉仍耳聲相通  
女子謂舅弟之子爲姪 玉案疏廣疏受蔡盾蔡邕今  
之所謂叔姪也兩漢書皆曰父子至晉書始有叔姪  
之名晉書王湛傳濟于湛略無子姪之敬

郭註今相呼先後 漢書郊祀志註云兄弟妻相謂曰先後古謂之娣姒今關中俗呼爲先後吳楚呼爲妯娌

婦稱夫之父曰舅 玉案說文姑夫母也威姑也漢律曰婦告威姑又說文著从君讀若威是君有威音也此君舅亦當讀威舅

夫之兄爲兄公 公釋作妣音鍾玉案昏義和于家人註家人謂女妣女叔諸婦也疏云女妣謂壻之姊女叔謂壻之妹然則女妹當作女叔歟

郭註古者皆謂婚姻爲兄弟 公羊僖二十五年傳其言來逆婦何兄弟辭也註宋晉之間名結婚姻爲

兄弟

釋宮第五

牖戶之間謂之扆 說文繫傳曰爾雅戶牖之間謂之扆其內謂之家古者爲堂自半以前虛之謂之堂半以後實之謂之室東爲戶西爲牖中爲壁尊者入室居牖下謂之闕東南隅謂之宮開戶聲也在室則人君當陽而坐在戶牖之間故曰負斧扆也 公劉詩疏引郭氏音義云禮有斧扆者形如屏風畫如斧文置于扆也因名爲斧扆

坳謂之坳注在堂隅帶也 玉案玉篇云坳毀垣也作隄隄毀也二字并訓毀故其字从危玉篇又云隄危

也說文云貼壁危也古文从土从阜之字多相通貼  
依土冠及既夕禮經註蓋在堂隅近邊之處亦有危  
象焉故爾雅云坳謂之帖竊疑此語蓋釋乘彼坳垣  
之坳故下文卽云墻謂之墉郭註云堂隅帖墉猶未  
免失之拘矣

有木者謂之榭注臺上起屋 鄭樵云臺積土謂之壇  
加屋焉

植謂之傳傳謂之突註戶持鎖植也 說文繫傳引爾  
雅云植謂之傳傳謂之揆註謂戶持鎖植也疏亦作  
鑠今作鎖誤

其 上 楹謂之桷 徐鍇云楹之言盈也盈盈對立之狀

古詩盈盈一水間脈脈不得語

櫺謂之窠註卽櫺也 論語疏引郭註云櫺株儒柱也

窠卽櫺也

連謂之窠註堂樓閣邊小屋 御覽卷百八十四連閣

謂之窠引郭註邊作連

中庭之左右謂之位註羣臣之側位也 玉案說文云

列中庭之左右謂之位註中側字當作列邵氏正義

亦云宋本作列

所以止扉謂之閤原作閤 釋文云閤音宏本亦作閤

音各郭註本無此字據此是郭本作閤故易之但郭

氏改左傳以証爾雅未可爲訓余別有說辨之

室中謂之時 時玉篇引作跲云跲上也

無室曰榭 鄉射記曰序則物當棟堂則物當楣註曰序無室可以深也案序卽榭也故云無室曰榭

釋器第六

瓦豆謂之登註卽膏登也 古今韻會引註曰膏鐙也又云郭璞曰古以人執燭後易之以鐙

盎謂之缶 詩宛邱疏引註云盎盆也

康瓠謂之甄 案漢書賈誼傳寶康瓠注鄭氏曰康瓠瓦盆底也今郭氏引賈說而釋瓠爲壺義同李巡大瓠之說然方言云瑩甄謂之盎說文云甄康瓠破罌也俱不以爲壺

斫謂之錯 案說文櫨斫也徐鍇曰爾雅注掘鑿也據此則註中脫一掘字說文櫨下又作櫨云斫謂之櫨是櫨爲櫨之重文今作錯似誤

斫斫謂之定 考工記音義引爾雅云句櫨謂之定註云斫也

慘謂之演 詩釋文云慘爾雅本作米旁參郭改爾雅从小爾雅作木旁參音霜甚反

纂罟謂之羅 後漢書馬融傳罕罟羅羅註羅疏罔也 大版謂之業繩之謂之縮之 史記趙世家城不浸者三版註八尺曰版管子寅合篇修業不息版并謂築墻版也 縣詩疏云釋器繩謂之縮據此今本多二

之字

衣褊謂之褊 玉案漢書注交輸謂之衣圭割正幅使  
一頭狹若燕尾垂之兩旁見於後蘇林曰如今新婦  
袍上袪全幅繪角割釋名曰婦人上服曰袪其下垂  
者上廣下狹如刀圭也是所謂袪衣也禮禘記褒衣  
註曰如今袪褊重繪矣釋名曰褊褊也青絳爲之緣  
也玉篇褊緣褊也是所謂袪衣之飾也釋文亦云袪  
重繪爲飾

輿革前謂之鞮 玉案說文云車前革曰鞮从革艮聲  
徐鍇曰案爾雅註以韋鞮車前也臣以爲鞮猶垠以  
革緣之爲垠堦也輿車底也侯恩反云云據此則注



靶當作鞞 鞞當作前

鑣謂之鑣 案說文繫傳曰表雙立爲桓周禮執桓圭  
鄭氏以爲若宮室之雙植者爲桓桓又作璫亦音鑣  
鑣爲馬口吻旁雙鐵蓋亦如璫爲桓圭取雙植之形  
耳

米者謂之粢 註飯中有腥 說文炊米者謂之粢徐鍇  
曰爾雅飯中有胜米曰粢胜先定反米胜定不變也  
今謂豆不爛爲粢豆據此註腥當作胜

魚謂之鮓 北堂書鈔引鮓註云蜀人取魚不去鮓鮓  
音其又鮓屬繫傳引作鯨屬云俗作鮓

鼎絕大謂之鼎 註最大者 案說文繫傳引註最大圜

者也似今木脫一圓字

款足者謂之鬲 玉案漢書郊祀志云九鼎象九州其  
空足曰鬲以象三德蘇林曰足空中不實者名曰鬲  
也史記索隱亦云款空也當以訓空爲是

玉十謂之區註雙玉曰穀五穀爲區 玉案雙玉曰珏  
半珏曰隻十隻曰區倍之曰十穀僖二十八年晉人  
執衛侯三十年公爲之請納玉于王與晉侯皆十穀  
王許之乃釋衛侯穀之言穀卽周禮典瑞和難之穀  
圭也

旄謂之龍 說文龍艸也徐鍇曰爾雅旄謂之龍注旄  
牛尾也蓋似此草也玉案集韻云薤筍虞飾

木謂之剡 剡玉篇作榜云今江東斫木爲榜

骨謂之切 玉案周禮百工飭化八材鄭司農云珠曰

切疏以爲爾雅文然則今本骨字本作珠也司農又  
云革曰剝羽曰析今本無

不聿謂之筆 曲禮史載筆疏引爾雅郭註書筆名四

方之異言也玉案說文云聿所以書故書筆二字並  
从聿

金鏃翦謂之鏃 御覽三百四十七引郭註云金鏃今

鞬箭也骨鏃今骨髀也不翦謂以鳥羽自然淺狹不  
復翦也

註因取其類以爲名璫小蚌 詩瞻彼洛矣疏引註

小作似

肉倍好謂之璧 玉案說文曰人君上除陛以璧玉瑗  
相引荀子大略篇云召人以瑗然則瑗者援引之義  
也其用又在引以上陞故好必倍肉乃可援也

一染謂之縑 士虞記縑縹緡疏云一入謂之縑謂一

入赤汁染之卽漢時紅

再染謂之頰註淺赤

采孫案此

據邢疏改

革中辨謂之鞞注復分半也 說文繫傳引註作分半

今據改

卣中尊也註不大不小者 文侯之命引郭注云在罍  
彝之間卽犧象壺著太山是也

釋樂第七

大琴謂之離注或曰琴大者二十七絃 初學記云郭璞曰大者二十弦樂錄曰大者二十弦宋書及玉海並引爾雅作二十弦今本蓋多一七字

大箎謂之沂注一孔上出寸三分 詩何人疏引此註作徑三分

大埙註埙燒土爲之 御覽卷五百八十引郭註云卽埙也燒土爲之銳上平底形象鍾平大者如鷺子聲合黃鐘大呂也小者如鷄子聲合太簇夾鐘也皆六孔與箎聲相諧故曰埙箎相應

大箛謂之產其中謂之仲 玉案說文繫傳籟三孔箛

大者謂之笙其中謂之簫小者謂之箛依說文則產  
當作笙仲當作簫又文選潘岳笙賦註引爾雅大簫  
謂之笙郭云如笛三孔而狹小選註與說文合產爲  
笙之譌字無疑周禮笙師掌教吹簫簫有笙名亦一  
証也

所以鼓柷謂之止連底桐之 案王伯厚漢書攷引此  
註作桐桐鄭註皋陶謨作撞今作桐者誤

釋天第八

穹蒼蒼天也 郭以穹及蒼蒼爲天稱見釋文

四時和爲通正謂之景風 王充論衡是應篇引此作  
四氣和爲景星宋玉九辯註引此四時和爲通利蓋

所見本異也

穀不熟爲飢 飢並當作饑 註凡草菜可食者 菜  
詩十月之交疏引作木

月在甲曰畢 史記月名畢聚又註云月雄在畢

正月爲陬 漢書孟陬無紀詩箋四月爲除十月爲陽  
及孔疏九月爲玄並本雅訓

蜺爲挈貳 玉案蜺釋文作霓白色陰氣雨之徵也據  
此解孟子雲霓最碯

雨霓爲霄雪 玉案宋世家古文尙書曰濟孔安國今  
文尙書作曰霽鄺載馳傳曰濟止也故雨爲霽亦爲  
濟

疏云一疾雷爲霆霓者 玉案初學記北堂書鈔及

太平御覽并引爾雅疾雷爲霆無霓字

析木謂之津 國語若津水用女作舟

顓頊之虛虛也 昭十年左傳歲在顓頊之虛引爾雅  
郭註云虛在正北顓頊承德位在北方當以北方三  
次以立枹爲中立枹次有三宿又虛在其中以水德  
在北顓頊居之故謂立枹虛星爲顓頊之虛也

味謂之柳註味朱鳥之口 鄭樵註本作朱鳥之口

案味又作注作喙作噉作鞠並同

彗星爲機槍 玉案文十四年傳疏引機槍註云妖星  
也今脫此三字



祭天曰燎柴祭地曰瘞薶 初學記引爾雅云圜丘泰

壇祭天也方澤泰圻祭地也

祭星曰布 周禮春官家宗人凡以神仕者掌三辰之法以猶鬼神示之居辨其六名物註猶圖也居謂坐也天者羣神之精日月星辰其著位以此圖天神人鬼也祇之坐者謂布祭眾寡與其居句疏云布祭于神有眾寡多少或居方爲之或句曲爲之也

繹又祭也 玉案祭義曰詩云明發不寐有懷二人文王之詩也祭之明日明發不寐饗而致之又從而思之云云孝子之心思慕無已故于正祭之明日尋繹復祭謂之爲繹禮徵明發識繹祭之義矣

出爲治兵尙威武也 春秋莊八年甲午祠兵公羊傳  
曰祠兵者何出曰祠兵王案祠治同聲故祠又爲治  
練旒九 旒說文繫傳引作旒

注旒首曰旒注載旒于竿頭 載御覽引作戴

有鈴曰旒注縣鈴於竿頭畫蛟龍於旒 蛟載見疏引  
作交是

錯革鳥曰旒注此謂合剝鳥皮毛 御覽卷三百四十

引郭註云此謂全剝鳥皮毛置之竿頭也舊說刻革  
鳥置竿首也孫叔然云革急也畫急疾之鳥於旒也  
周禮鳥隼爲旒也按禮記載鴻及鳴鳶鄭君云載之  
旒首以示眾卽此類書云鳥獸希革詩云如鳥斯革

者自是鳥之皮明矣按此當出郭氏音義今註全剝作合剝當據改

釋地第九

釋地第九 張顯古今訓曰土乙力爲地

兩河間曰冀州等句 周禮爾雅皆無梁州則雍兼有梁州之地禹貢云華陽黑水惟梁州孔傳云東據華山之南西距黑水韋昭云今益州也太康地記云梁州者言西方金剛之氣彊梁故因以爲名漢時改雍州爲梁州改梁州爲益州也

晉有大陸注今鉅鹿北廣河澤是也 禹貢大陸旣作疏引郭注云廣河猶大陸 玉案後漢書郡國志云

鉅鹿故大鹿有大鹿澤註云廣河澤呂氏春秋九藪  
趙之鉅鹿高誘註曰廣阿澤史記紂盈鉅橋之粟許  
慎云鉅鹿之大橋淮南曰鉅鹿大陸廣阿咸一澤也  
元和郡縣志云大陸澤一名鉅鹿是并可爲郭氏廣  
阿猶大陸之証郭氏此語蓋出音義今註則本孫炎  
說河字當作阿

楚有雲夢 史記索隱相如傳註郭璞曰江夏安陸有  
雲夢城南郡枝江亦有雲夢城華容縣又有巴邱湖  
俗云古雲夢也

陵莫大於加陵 應劭風俗通卷引國語單子  
會厲公於加陵下引爾雅云一語無會加陵事惟周

語柯陵之會宋庠補音曰柯古何反本或作加是柯  
卽加也

東方之美者 說文曰醫無閭之珣玕璆周書所謂夷  
玉也珣从玉旬聲一曰玉器 右宣徐鍇曰說尙書  
者夷玉東夷所貢之玉醫無閭則山川之鎮鄭元曰  
在遼東

有斥山之文皮焉 斥石經作斥

其名謂之鰈 史記封禪書索隱曰鰈音答郭云如牛  
脾身薄細鱗末云亦曰版魚渾書相如傳禹禺魼魼  
註郭曰魼比目魚也

中有軼首蛇焉 顏氏家訓曰莊子螭一音韓非子曰

蟲有蝮者一身兩口爭食相齧遂相殺也案爾雅蠶  
蛹名蝮又非二首後見古今字增云此亦古之虺字  
玉案虺無二首之說豈別有一種虺耶

高平曰陸 玉案一切經音義引爾雅云高厚廣平曰  
陸又毛傳亦曰高厚廣平曰陸今本蓋脫去厚廣二  
字

岨齊州以南 列子引爾雅無州字

釋邱第十

邱一成為敦邱 水經洪水註爾雅邱一成為頓邱

郭註崑崙山三重故以名云 御覽卷五十三引爾  
雅註云昆侖山三重形如累三孟玉案後漢書引孫

註云陶邱形如累兩孟此蓋用孫註易兩爲三今本脫去

郭註地自然生 白帖引此註云大阜曰邱非人力爲之自然也

堂途梧邱 玉案途釋文作涂考工記匠人堂涂註云分其督旁之脩以一分爲崧疏云蓋螯甌甌中央消高起也據此堂涂爲中央高兩邊下邱形似之故取以爲名玉曰梧者特取魁梧傑大之義爾戰國策云下壘梧邱亦名五丈夫之邱邱有丈夫之名其形魁梧可知矣

水出其左營邱 高郵王懷祖云據水經註水出其前

左爲營邱今本脫 前字玉案水經淄水註引郭云  
言齊之營邱淄水逕其南及東也今本字當逕字  
之訛

前高旄邱 班固答賓戲曰欲從塋敦而度高乎泰山  
註應劭爾雅前高塋邱是旄本作塋也玉又案旄邱  
傳曰前高後下曰旄邱疏引李巡註曰謂前高後卑  
下似經文本有後下二字

宛中宛邱 詩宛邱疏引註云宛邱謂中央隆峻狀如  
一邱矣釋文云宛於粉反謂蘊聚隆高也

隩隈 說文隩隈岸也其內曰隩其外曰隈錯案淮南  
子漁者以其隈隩曲崖相讓隩謂岸內曲隈外曲也



詩納鞠之卽

厓內爲隕外爲隈 按釋文唐石經及宋本俱作鞠今據改

畢堂牆 鄭樵云今長安西有畢陌

谷者微 玉案水經濟水註引爾雅云通谷者微今本蓋脫通字

釋山第十一

河西嶽注吳嶽 玉案後漢書郡國志有吳嶽山註郭云別名吳山周禮所謂嶽山者又御覽卷四十四引云吳嶽別名吳山與今本异

山三襲陟註襲亦重 玉案列子殷敬順釋文引此註

云重隴也

屬者峰注言駱驛相連屬 初學記及御覽卷卅八四  
十二并引郭註云言駱驛相連今魯國鄒縣有嶧山  
諸石相積構連屬而成山蓋謂此也

獨者蜀 玉案方言一蜀也南楚謂之獨轉相訓故獨  
亦爲蜀管子形勢篇抱蜀不言而廟堂克脩當本此  
爲訓

萃者屋屨 漸漸之石疏云釋山萃者屋屨箋云崔魏  
謂山巔之末雖云小昇是取爾雅爲說也玉案屨屨  
崔魏一音之轉

重巖隙 詩葛藟疏引郭註形似累兩重巖上大下小

公劉疏引云謂山形如累而之餽山狀似之上大下小因以爲名西京賦曰陸重獻是也

小山別大山鮮 玉案文選李善註兩引爾雅小山別

大山嶰漢書孟康註嶰解脫也與不相連屬意較合采孫案鮮解義通禮月令則穀實鮮落呂覽作解落列子湯問篇其長子生則鮮而食之墨子節葬篇作解而食之可爲鮮解義通之証

山絕陁 文選謝靈運從斤竹澗越嶺溪行詩註引此註云連山中斷曰陁初學記亦引云山中絕曰陁今本註中蓋脫曰陁二字

霍山爲南嶽註卽天柱山潛水所出也 昭四年左氏傳疏周禮地官并引郭註云霍山在衡陽縣南今在

廬江灊縣西灊水出焉別名天柱山漢武帝以衡山  
遼遠因讖緯皆以霍山爲南嶽故移其神於此今其  
土俗皆呼之爲南嶽嶽本自以兩山爲名非從近來  
也而學者多以霍山不得爲南嶽又云從漢武帝始  
有名卽如此言爲武帝在爾雅之前斯不然矣

恒山爲北嶽 昭四年左傳疏引郭云恒山名常山辟  
文帝諱耳

釋水第十二

泉一見一否爲灏 說文云灏漬也

爲灏汭 說文曰汭激水聲

濫泉 濫詩釋文引作檻

沃泉縣出 管子地員篇山之上命之曰縣泉

沆泉 王伯厚詩地理考沆音軌釋名流狹而長如車軌

流川 註通流 說文繫傳引注作通川

過辨回川 過本作渦回又作洄見釋文

澗沙出 案李冰官堰碑深淘澗淺包隄注澗古灘字

歸異出同流肥 玉案釋名云所出同所歸異曰肥水

經註呂忱曰爾雅異出同流曰漢藝文類聚引爾雅

曰水源曰泉所出同所歸異曰肥異出同流曰漢據

此今本蓋誤合爲一句

水醯曰醢 說文小醯曰沆水厓枯土也从水九聲爾

雅水醮曰沱

濟爲澮等句 玉案他書徵引諸水俱有水自出三字  
今本蓋爲後人刪去又水經註諸水爲上俱有別字  
所見本異也

汝爲瀆 玉案說文云涓水流也从水冒聲爾雅汝爲  
涓徐鍇曰按周廟銘曰涓涓不壅是今本瀆字本作  
涓

郭註詩曰遵彼汝瀆 玉案漢廣詩疏云江有沱河  
有灘汝有墳李巡曰江河汝旁有肥美之地名郭璞  
云詩云遵彼汝瀆則郭意以此汝瀆爲瀆汝所分之  
處有美地因爲之瀆云云據此則郭註引詩書在後

汝有墳之下

疏案郭氏音義云沱水自蜀郡都水縣湔山又云有水從漢中沔陽南流 禹貢沱潛既道疏引郭氏音義水作安湔作湔陽下有縣字

河水清且瀾猗至潛行爲泳 御覽卷五十八引爾雅

曰水別流曰派風吹水涌曰波小波曰淪平波曰瀾直波曰徑水朝夕而至曰潮風行水成文曰漣水波如錦文曰漪水行曰涉逆流而上曰沂澗順流

亦曰沿流

而下曰溯游絕流而渡曰亂以衣涉水曰厲由膝以下爲揭由膝以上爲涉渡水處曰津潛行水下爲泳玉案初學記所引與此正同而以爲出爾雅釋名說

文三書今攷自水別流以下至水行曰涉皆釋名說  
文所無餘則今本爾雅所自具者然則並爲爾雅本  
文無疑

揭者揭衣也 詩匏有苦葉疏引揭衣作蹇衣

天子造舟註比船爲橋 玉案宣十一年公羊傳云天  
子造舟疏引郭氏曰比船爲橋舊說以舟爲橋詣其  
上而行過故曰造舊說云云亦郭氏註也又左氏音  
義引郭註比船作併舟

庶人乘泝註并木以渡 藝文類聚引乘泝郭註云泝  
維木以爲渡也

正絕流曰亂註直橫流也 張衡思元賦註引郭註云



直橫渡也玉案詩公劉疏書禹貢疏并引孫炎註云直橫渡也郭氏蓋用此今本誤作流

河出崑崙虛色白註虛山下基也案基也下禹貢疏引云發源高處激湊故水色白釋文引云發源處高潔峻湊故水色白也

覆鬴註水中可居住往而有據宋本增

胡蘇註東莞縣莞宋本作光

爾雅校議卷上終